

IA

DIVERS.  
TRAICTES.  
HISTOR.


IA

IA

IA

IA







OE<sup>xv</sup>  
754

Pièce 1 - Daunou	381 -	
2 -	912 -	Pellechet 4168 <sup>bis</sup> =
3 -	915	- 4618
4 -	913	
5 -	914	- 3899
6 -	916	
7 -	917	
8 -	918.	

Toutes les autres pièces sont du XVI<sup>e</sup> siècle.

EXV 754 p. verte

ancien L 4° 463

Relure aux armes de  
De Mon avant  
les deux mariages



OE xv  
754

19 18

# La magnifique

et triumpicante entree du tresillustre et sacre

Empereur Charles Cesar tousiours

Auguste faicte en la excellen

te ville et cite de Paris

le iour de Lan en

bonne estreine.





**E**t premierement/auant que le tresillustre roy  
de frâce permist que la sacree maïeste imperial  
le entrast en sa cite de Paris au departir de son  
chasteau de Vincennes distât enuiron vne lieue  
dudit Paris pour y faire l'entree imperialle auoit ordonne  
constraire et bastir vne maison artistement faicte a porte et  
fenestre de triumphe d'antique/par dedans estoit toute ten-  
due de tappisterie riche/faicte de broderies et par dedans la  
dicte maison estoient mis aigles & armes des royaumes que  
tient ledict sacre empereur/laquelle est ioignant vne abbaye  
de dames nommee saint Anthoine des champs assise enui-  
ron d'ung grant get d'arc dudit Paris/dedans laquelle mai-  
son ledit illustre empereur/messieurs le daulphin & duc dor-  
leans en train magnificque prindrent refection et disnerent  
le roy de Nauarre/mōseigneur le duc de Lorraine et son filz  
monsieur le cardinal de Lorraine/monsieur le cōestable et  
plusieurs autres princes de frâce/mōsieur le duc Dalme/le  
cōte Daiguemont/le cōte de Hēneton/le conte de Bure/le  
conte de Roquandol/monsieur de saint Vincent/le seigneur  
de Rieux/le seigneur de la Chaulx/le seigneur Dantes/le  
seigneur Dellou/don endrigne de Cholette/et plusieurs  
princes despaigne & bas pays/la refection prise la sacree maïe-  
ste imperialle estat en icelle maison sortiret de la ville et ci-  
te de Paris plusieurs bandes triumphantes et magnific-  
ques pour aller au deuant de ladicte maïeste imperialle en  
ordre excellent et triumphante cōme berrez p les premiers cha-  
pitre icy apres legieremēt posez quant a la sortie de Paris  
pour aller querre ladicte sacree imperialle maïeste en ladi-  
cte maison que du retour conduysant icelle en ordre pompe-  
et magnificence a dieu plaisante et a toute braye chrestien-  
te/laquelle est icy redigee tout par bon ordre en la forme et



maniere quil sensuyt.

**E**n premierement de la sortie en brief posee qui fut faicte de Paris et gens aussi estant en bande pour aller querre la dicte sacree maiestie imperiale en ladicte maison ou elle auoit disne Et du triumphe et bon ordre quil y eut au retour avec les eschauffaulx/dictions/antiquitez/gentilleses & misgnonnetez qui lay furent faitz en ladicte cite de Paris.

**E**n premier lieu sortirent dudit Paris tout les gens des eglises tant cathedrales/collegiales que parrochiales acompaignees des quatre mendians cest assauoir carmes/cordesiers/iacobins/et augustins portant les saintes croix et dignes relicques/Vestus de chappes de draps dor/dargent/delours et autres triumpfans draps de soye.

**E**n apres sortirent les docteurs/recteurs/medecins/descretistes & autres gens de science montez et acoustrez de robes triumphantes Et au deuant diceulx marchoiēt les beaulx/escripuains iurez de luniuersite de Paris.

**E**n apres sortit mōsieur le chācellier avecques les seaulx du roy nostre sire/messieurs du grāt conseil/huyssiers & autres gens de stat et excellence.

**E**n apres sortirent les hacquebutiers/archiers et arbalestriers de ladicte ville de Paris en gros nombre lesquelz au retour on specifiera plus amplement.

**E**n apres sortirēt les officiers de ville bien equippez chascun selon son degre.

**E**n apres sortirent les gens du guet bien en ordre.

**E**n apres sortirent les bourgeois et marchāds de Paris.

**E**n aps sortirēt les enfāds de paris avec leurs enseignes.

**E**n apres sortirēt messieurs de la ville preuost & eschenis.

**E**n apres sortirent messieurs de la court de parlement procureurs et aduocatx secretaires et greffiers.

A ii



**E**n apres sortirent messieurs des comptes / auditeurs et autres clerz dicenly comptes.

**E**n aps sortirēt messieurs les generaulx des monoyes.

**E**n apres sortirent messieurs les generaulx des aydes.

**E**n aps sortirēt les sergēs a berge acoustrez en bon ordre.

**E**n apres sortirent les sergens a cheual bien en point.

**E**n apres sortirēt les gens du roy / cest assavoir messieurs les lieutenans civil & criminel.

**E**n apres sortirent les aduocatx / procureurs et greffiers du chastellet.

**E**n apres sortirent monsieur le preuost de Paris avec ses gens triumpamment acoustrez.

**E**n apres sortit monsieur le legat acompaigne de certains cardinaulx et euesques en belle bande.

**E**n apres sortirent les deux cens gentilz hommes de la maison du Roy.

**A**pres sortit vne grosse troupe de Gardes / seigneurs & gentilz hommes bien montez et acoustrez.

**E**n apres sortit vne bande de souffles bien equippez.

**E**n apres sortirent deux troupes d'archiers du roy bien montez et equippez.

**T**outes lesquelles bandes bien en ordre et triumpamment acoustrez allerent deuant la maison nouuellement construite et pompeusement tappisee en laquelle estoit ladicte sacree maieste imperiale la encore acompaigne des dessusditz princes / Cest assavoir monsieur le daulphin / monsieur le duc Doreans / monsieur le connestable et autres princes ia deuant nommez tant de France / Espagne que bas pays. Et lesdictes bandes ainsi estans la ou la sacree maieste imperiale estoit / Monsieur le chancelier et messieurs les presidens de la court saluerēt icelluy illustre Empereur par ha



langue et parolles si hautes et magnanimes que la sacree  
maieste imperiale fut biē ioyeulx de les ouyr. Et plusieurs  
motz dorez ditz et proferez a ladicte maieste imperiale lesdi  
ctes bandes se mirent tous par bon ordre et cōmencerent a  
marcher vers lad cite de Paris pour faire hōneur & reueren  
ce aud illustre empereur/lesq̄lles bādes avec la sacree maies  
te imperiale entrerēt en la triūphāte cite de paris en la for  
me/equipage & maniere comune cy apres sera dit et declare.

**M**ais premier que nous procedons plus auant a l'entree  
qui fut faicte ne de lordre que les bandes tindrent conduy  
sant la sacree maieste imperiale en la cite de Paris/ nous  
dirons quelque mot de ce qui fut faict a la porte saint Antho  
ine et deuant les tourne lles a celle fin que en conduysant  
l'entree ces propos icy ne nous empeschent.

**E**t est assauoir que a la porte saint Anthoine de Paris  
pour receuoir plus magnifiquement ladicte sacree maieste  
imperiale lon auoit faict vng portail en facon d'antique sur  
deux pilliers noirs des deux costez lesquels estoient ronds  
avecques chapiteaulx dor et mollure soubbassement d'antique  
que/lequel portail estoit enrichy de frise et moresque d'antique  
que et au dessus dicelluy portail au meillieu estoit vng escus  
son ou les armes des royaumes appartenant audit tresil  
lustre empereur estoient pourtraictes avec vne couronne im  
periale & au coste desdictes armes estoit mise et posee vne ai  
gle. Et ce est quant a ladicte porte saint Anthoine.

**E**t plus deuant les tourne lles y auoit vng autre portail  
d'antique double enrichy de pilliers ronds noirs en facon de mar  
bre avec les testes cornises / chapiteaulx et mollures dor et  
les souz basse enrichie de candelabre d'antique triūpham  
ment pourtraict et les arnotz et arboutans paintz et taillez  
d'antique dor et d'asur colorez avec frises et moresques bien



faictes. Et au dessus dicelle porte y auoit deux aigles noy-  
res environ de la hauteur de douze piedz lesquelles estoient  
couronnees dor a couronne imperiale lesquelles aigles a-  
uoient deuant elles les armes despaigne/aragon/castille &  
autres royaumes appartenans audit illustre empereur.

Et a chascun costé dicelles aigles sur deux autres portails  
joignant icelluy grant portail y auoit vng mesnequin dans  
tique dor tenant en ses mains vng escuillon armoie des ar-  
mes dudit illustre Empereur et des royaumes a luy appar-  
tenans/lesquelles armes sont couronnees de couronne imperial-  
le et du long du dessus dicelluy portail estoient frisez danti-  
ques dor triumpamment pourtraictes avec medailles de  
mesme. Et environ vng gect de holle de la tyrant vers saint  
Anthoine y auoit vng autre tel portail que le dessusdit du  
ne mesme facon grandeur et mesure.

De l'entree de la sacree maieste imperialle en  
la cite de Paris et de l'ordre que lesdictes bā-  
des tindrent au retour en entrāt audit Paris.

**E**t tout premier/lesdictes eglises deuāt nommees sāt  
cathedrales/collegialles q parochialles avec les-  
dictz quatre mendiāns/marchoient et entrerent en  
la cite de Paris portant les croix et saintes reliques en de-  
uotion et ordre si bel et plaisant que plusieurs pleuroient de  
ioie de la bonne et illustre alliance qui estoit faicte entre la  
fleur lilypalle et laigle illustre immortelle/remercyāt dieu et  
les saintes reliques que lon portoit qui auoit donne la gra-  
ce au peuple de veoir vne telle illustrissime amptie conioin-  
cte et fraternite associez ensemble.

En apres marcholent et entrerent audit Paris en bel or-  
dre cent hacquebutiers de ladicte ville vestus & aconfirez de  
leurs hocquetons dorsauerre chascun vne iaveline de bar-



de au poing/ et deuant iceulx alloit leur porte enseigne tout  
vestu de broderie monte sur vng coursier bien braue portant  
en sa main l'enseigne et l'uidon desditz hacquebutiers/ leq<sup>l</sup>  
estoit seme de flammes de feu et au meillieu dicelle enseigne  
estoit l'ynage de madame sainte Barbe pourtraicte riches  
ment et faicte de broderie avec leur cappitaine qui estoit au  
meillieu deulx richement vestu & pompeusement acoustre &  
mote et force tabours et fiffres pour les conduire.

¶ Apres entrerent six vingtz archiers de ladicte ville habil  
lez et acoustrez tous de hocquetons dorfauerie bien braues &  
montez tous sur beaulx cheualx chascun portant vne ia  
neline de barde au poing/ & deuant iceulx marchoit leur ens  
eigne en laquelle estoit vng saint Sebastien de broderie bien  
riche acompaignez de leur cappitaine monte sur vng cheual  
turd et vestu de velours et brode de passement bien riche/ la  
coustrement apant en teste de mesme.

¶ Apres entrerent soixante arbalestriers richement vestuz  
et acoustrez tant de hocquetons dorfauerie que de pourpointz  
de velours montez triumpamment portant chascun en  
sa main vne iaueline : apant leur porte enseigne deuant  
monte sur vng cheual de pris & barbes triumpantes & le  
dit enseigne vestu de vne casaque de velours decoppe a cor  
don dor de chippre brodee et au demourant tant de la teste  
que du corps plus que richement habillez avec fiffres et ta  
bours. Et derriere iceulx arbalestriers marchoit leur cappi  
taine tout vestu de toille dor avec le pourpoint escartelle a  
demy de drap dor & a demy de drap d'argent & son cheual cou  
uert de toille dor entrelasse de broderie mote sur vng cheual  
de pris richement barde de sa liuree & fierement marchant sur  
le paue faisans saulx & pennades quil faisoit bon veoir.

¶ Apres entrerent audit Paris les bourgeois et marchans

A iii.



de ladicte ville en si tresgros nombre et quantite que le ne les  
peuz bonnement exprimer pour la grande multitude / les  
quelz estoient vestuz tant richement et honnestement selon  
leur degre quil ny auoit rien a rediger et aussi montez sur  
bons cheualx bien equippez & acoustrez laquelle chose estoit  
bien digne de regarder pour le bon ordre quilz tenoient et ac  
coustremens quilz portoient.

**E**n apres entrerent les docteurs en theologie de la sain  
cte Serbonne de Paris portant chascun ung chapperon des  
carlate fourre sur son espaule / avec iceulx estoit le recteur de  
l'uniuersite de Paris acompaigne des docteurs medecins /  
astronomiens / astrologiens / decretistes / artiens & autres ges  
de science et magnanime scauoir / lesquels tous tenoient ung  
ordre si sage et si magnifique quilz demostroient qlz estoient  
la source et fontaine de science / et que ailleurs il ne faillloit al  
ler boire pour acquerir scauoir acoustrez tous et montez tant  
honnestement sans fierte ne arrogance quilz demonstroient  
bien a les deoir marcher q la deesse Hymerue les conduisoit  
Et deuant icelluy recteur marchoient certains bedeaux & es  
cripuains iurez portans en leurs mains certaines masses  
d'argent dorez avec autres verges pour demonstrier l'illustrif  
sinite des sciences qui iournellement sont leues enseignees  
et publiees en ladicte vniuersite de Paris.

**E**n apres entrerent les enfans de Paris en nombre qua  
tre vingtz et dix tous acoustrez et montez triumpamment  
Cest assauoir chascun ayant la casaque de velours noir &  
la pluspart seme de fers et boutons dor avec les pourpoins  
de satins et velours bien garniz de fers et boutons dor avec  
grosses ymages et enseignes dor montez sur cheualx bra  
uement bardez de barde rouge / et au denat dicens marchoit  
leur enseigne de taffetas noir & iaulne en laquelle estoit ung



Vng saint Michel d'ung costé & laigle de l'autre costé / & leur  
cappitaine vestu de ladicte liuree a gros cordons de brodu-  
res de passement et son cheval barde de mesme liuree ayant  
en escharpe vne grosse chaîne dor avec vng bonnet tout seme  
de pierres precieuses mises en oeuvre et tous lesditz enfans  
de Paris chascun ayant et portant la chaîne dor grosse au  
col et derriere eulx marchoit leur cappitaine monté sur vng  
cheval legier triumpamment a costre de ladicte liuree et  
sa casaque semee de boutons dor avec vng pourpoint de drap  
dor frise et son bonnet a la marrabese tout couuert et seme de  
fer dor & pierres precieuses / images & enseignes dor taillées  
a l'antique entrichies de pierrerie ayant deux chaînes dor su-  
ne en escharpe et l'autre seincte / lesqz enfans de Paris ain-  
si a costrez arriviez et montez il faisoit bon veoir / et ny avoit  
celluy qui ne print plaisir a les regarder.

¶ Apres entra le preuost des mareschaux nomme la Dol-  
te acompaigne de sa bande bien equippe & monte de mesme /  
et estoit ledit preuost vestu d'une robe de velours noir avec  
vne grosse chaîne dor au col bien monte et bien en ordre les-  
quel il faisoit bon veoir.

¶ Apres entrerent les officiers de la ville tant du ble / sel /  
boys que charbon lesquelz estoient vestus de rouge et pers  
equippez et montez.

¶ Apres entrerent messieurs les preuost des marchans & es-  
chevins de la ville de Paris vestus de robes de velours mor-  
tie velours cramoyssi et mortie velours noir montez et triu-  
pamment a costrez / et avec eulx leurs cōseillers / officiers  
greffiers / secretares / recepneurs & autres gens seruaus a la  
dicte ville tous bien en ordre.

¶ Apres entrerent les gens du guet de Paris ayans leurs  
hocquetons dor fanerie et vne estoille au meillien / lesquelz

¶



estolent en grosse quantite et tous bien en ordre et bien montez. Et deuant eulx marchoit leur porte enseigne vestu de la dicte liuree ayant le pourpoint de toille d'argent et le cheval barde de mesme portant en sa main l'enseigne et guidon du guet auquel est pourtrait l'ymage de monsieur saint George. Et derriere icelle bande marchoit leur cappitaine avec vne hucque de drap d'argent figure et le pourpoint de toille dor decoupe avec vng petit chapeau de velours emply masse/leq̃l chapeau estoit tout seme de fers dor & enseignes avec les plumes chargees de paillettes dor monte sur vng cheval de lance bien equippe et barde de la mesme liuree.

¶ Apres entrerent messieurs les generaulx des monnoyes maistres des monnoyes/ gardes et essayeurs avec vne bande de la dicte monnoye tous bien en ordre et montez et acoustrez honnestement.

¶ En apres entrerent messieurs les generaulx des aydes avec les deux presidens habillees et vestus de robes longues de velours noir en bande bien fort honnestement equippez.

¶ En apres entrerent messeigneurs de la chambre des comptes en bel ordre/ Cest assavoir les presidens seigneurs des comptes/auditeurs/greffiers/procureurs et autres officiers desditz comptes lesquels estoient en gros nombre tous vestus de velours et excellens draps de soye montez et acoustrez en grosse et braue magnificence.

¶ Apres entrerent messieurs de la court souveraine du parlement de Paris. Cest assavoir les quatre presidens & cent conseillers lesquels estoient tous vestus de robes de scarlate/ et deuant iceulx marchoit vne grande troupe de huyssiers/secretaires & notaires de la dicte court en vng ordre peup et illustre/et apres icelle court marchant par ordre les advocatz/greffiers et procureurs en vng terrible et merveil



leur nōbre lesq̃lz faisoit bon veoir a regarder telle noblesse.  
¶ Apres entrerent les Vnze Vingtz officiers & sergens a ber-  
ge du chastellet de Paris a pied chascun ayāt son pourpoint  
de velours avec le iargant de mesme portans picques/pars-  
tizanes et rancons dorez en leur main bien brauement acous-  
trez/ & deuant iceulx marchoit leur porte enseigne tout ves-  
tu de satin borde dor avec le pourpoit de velours noir seme  
de fers dor la chausse de mesme et vne coiffe dor en la teste  
ayāt son bonnet pendant au col a la marrabeze tout cou-  
uert de fers dor & de pierrerie et estoit pourtrait en leur en-  
seigne de lung des costez Vng saint Loys et de lautre coste  
Vne sallemādre. En apres venoit leur cappitaine tout vestu  
de toille dor richement et triumpamment acoustre de toille  
le dor qui estoit vne chose triumpante a veoir icelle bonne  
benne si bien en ordre.

¶ Apres entrerent les Vnze Vingtz sergens a cheual avecq̃s  
leurs armes et panonceaux armoyez des armes du roy nō-  
stre sire acoustrez et bien honnorablement montez sur bon-  
ne monture marchāt en bel ordre demōstrant bien q̃lz soiet  
gēs de iustice/ & portoiēt pour leur enseigne saint Martin.  
¶ Apres entrerent les notaires & commissaires du chastellet  
de Paris en gros nombre tous vestus de robes longues  
avec bonnetz tous montez et acoustrez honnestement.

¶ Apres entrerent messieurs les advocatz & procureurs du  
chastellet en bel et honnorable ordre vestus et montez honne-  
stement lesquelz estoient en Vng merueilleux nombre.

¶ Apres entrerent les gens du roy messeigneurs les lieuten-  
nant civil & criminel vestus de robes de scarlatte acompa-  
gnez des conseilliers et greffiers dudit chastellet marchans  
en belle ordre qui demonstroient bien que estoient dauctori-  
te et de iustice.



¶ Apres entra mōsieur le pnoft de Paris en bel ordre acompaigne de plusieurs gētilz hōmes et seignrs richemēt et pōr peusemēt vestu mōte a acoustre a toute sa bāde pareillemēt.

¶ Apres entra le grant preuost de l'hostel vestu de vne robbe de velours noir bordeē a passement dor et mōte sur vng triūphant cheual equippe de mesme avec toute sa bande si bien en ordre et empoint que cestoit vng plaisir a les regarder.

¶ Apres entra vne grosse troupe de barons/ seigneurs gētilz hōmes tāt de ce pays q̄ des pays de la maiesie imperialle vestus de velours a passemēt dor pourpoit de drap dor de drap d'argent portās grosses chaisnes dor au col en escharpe montēz sur courriers a genetz/ despaigne acoustrez fort brauemēt lesquelz marchoiēt en vne ordre si triūphant a excellent que cestoit vne singuliere beaulte a veoir telle compaignie.

¶ Apres entra reuerendissime seigneur mōsieur le legat vestu et acoustre comme il appartient a prelat acompaigne de plusieurs cardinaulx/ archeuesques/ euesques/ abbez et prouthonotaires avecques plusieurs autres gēs deglise en sa compaignie lesquelz faisoit bon veoir a regarder leurs contenances et marcher en si bel ordre.

¶ Apres entrerent les deux cens gentilz hommes de la maison du roy tous marchans en ordre et en grosse pōpe desq̄lz les acoustremens seroit trop long a escrire/ car il y auoit tāt de velours/ drap dor/ drap d'argent decoupe/ passemēt dor a d'argent entrelasse que on perdroit l'entendement a regarder tel triumphe lesq̄lz estoient triūphantement montēz sur cheuaulx d'honneur et de pris faisans saulx/ gabades/ pēnades et ruades par les charrieres q̄l ny auoit cūeur d'hōme qui ne fust ioyeux a regarder vne telle noblesse aīsi equippee et magnifiquement acoustree/ laquelle bande est bien digne de mettre et rediger par escript.



¶ Apres entra monsieur le grant escuyer de france ayāt be  
stu vne robbe de drap dor frise bordee dung passemēt dor de  
chippre ayāt ceint vne ceinture dor semee de fleur de lys et  
pierrerie ayāt lordre du roy en escharpe et mōte sur vng cour  
sier de pris tout barde de drap dor et seme de fleur de lys des  
sus ayāt a lentour de luy certaine quātite de pages dhōneur  
tous vestus de velours/drap dor et drap dargent triumphā  
tement et richement montez et acoustrez.

¶ Apres entrerēt neuf heraulx dantes triumphāment ves  
tuz de hucques de velours violet semez de fleur de lys dor  
mōtez et bien brauemēt acoustrez. Et deuāt iceulx neuf he  
raulx alloiēt deux heraulx tous vestus dorfauerie et leurs  
cheuaulx bardez de bardes dorfauerie lesquelz dōnoient or  
dre a faire serrer le peuple p les rues de Paris affin q ceulx  
qui entroient ne fussent oppressez du peuple.

¶ Apres entrerēt les maistres desrequestes de la maison du  
roy tous vestus de grans robes rouges et velours noir et  
leurs cheuaulx et mulles houffez de velours noir.

¶ Apres entrerēt messeigneurs de la grāt chācellerie du roy  
destassauoir conseilliers au grāt conseil/ aduocatx/ procu  
reurs/greffiers/rapporteurs tous vestuz de velours/satins &  
autres draps de soye en gros nombre et quantite.

¶ Apres entrerent les trompettes et clerons sonnāt si hault  
tement que tout lair redondoit de tous costez vestus et mō  
tez richement et brauement.

¶ Apres entrerēt deux massiers du grāt conseil portāt chas  
cun vne grosse masse dargēt dore sur leurs espauls tous ve  
stus de velours et montez bien honnestement.

¶ Apres entra deux lacquetz vestus de pourpointz de  
velours et chausses de velours/menant et conduysant  
vne hacquenee blanche par la bride richement arnachee



et houssee en vne housse de velours bioisset seme de fleur de  
lys dor sur laquelle ny auoit nully monte dessus sinon quelz  
le portoit vng gros cuyssin de drap dor / et dessus icelluy  
estoiēt les grās seelz et contreseelz du roy / sur lesquelz estoit  
vng grant linge de cresppe traynant quasi iusques a terre.

¶ Apres entra le illustre roy de Navarre acompaigne de plus  
sieurs princes et seigneurs bien en ordre portant vne robbe  
de velours faicte de broderie a passément dor monte triump  
phamment et les princes qui estoient avec luy aoustrez et  
montez de mesme brauement.

¶ Apres entrerent et vindrent vne bande illustre magnific  
que et triumpans de la maison Imperiale en laquelle estoit  
le duc Dalue / le conte Daiguemont / le conte de Hanneton  
grant escuyer de ladicte maïeste imperiale / le conte de Bu  
re / le conte de Roquandol / illustrissime prelat monsieur de  
saict Vincēt ambassadeur de la maïestelenuers illustre roy  
de France / le seigneur de Rieux sommelier du corps de la  
maïeste imperiale / le seigneur de la Chaulx / le seigneur  
Darbes marquerēne Danuers le seigneur de Pellou bail  
ly de Monay don Hericque de Cholette et plusieurs autres  
a grant nombre ducz / contes / princes et seigneurs de la mai  
son imperiale aoustrez de robes de velours fourrees de  
martres / robes a passément dor / chaisnes dor en escharpes /  
bonnetz triumpans de velours ferrez de fer dor / ymages et  
enseignes dor mōtez tous sur beaulx geneſtz despaigne bien  
en ordre lesquelz il faisoit bon veoir marcher en troupe en  
semble pour le bon ordre quilz tenoient.

¶ Apres lesditz grans seelz entra et marchoit monsieur le  
grant chancelier de France vestu dune robbe de scarlate a  
uec vng chapperon en teste tel quil appartient au chancel  
lier de porter et triumpamment aoustre lequel represen



toit bien honneur et excellence du degre ou il est mis et a  
l'entour de luy trois lacquetz tous vestus de velours.

¶ Apres entra vne bande de Suysses avecques fifres et ta  
bours sonnans a la mode des Suysses / lesquels la plus grāt  
partie portoient les pourpointz de drap dor et velours avec  
ques les chausses decoupees a la Suyffe desquelz les vngs  
estoit vestus vne grant partie de drap dor et velours rou  
ge/iaulne & violet marchans trois a trois en bel ordre portāt  
chascun vne halberde sur leur col et vne enseigne ou estoit  
dun costē vne sallemandre et de lautre costē vng saict Mi  
chel lesq̃lz il faisoit bon veoir marcher.

¶ Apres entra monsieur le grant cōestable de France por  
tāt l'espee imperialle toute nue en sa main avec dautres prin  
ces qui alloient des deux costez tous vestus de broderie et de  
passement dor montez sur genetz et courciers de pris riches  
ment acoustrez.

¶ Apres entra la sacree maïeste imperialle mōte sur vng ge  
net tout noir despaigne portāt le dueil de sa fēme tresillustre  
Emperiere q̃ dieu absoulle laquelle maïeste imperialle il fai  
soit bon veoir pour son illustrissime facon/ maintien et cons  
tenance & aux deux costez de luy estoient a main destre mons  
sieur le Dauphin et a main senestre monsieur le duc Dor  
leās enfāns du tresillustre roy de France/lesq̃lz princes Daup  
hin et Orleans estoient vestus de robes de velours noir  
toutes couuertes de passemens dor et d'argent montez sur  
deux triumphans genetz despaigne / lesquels il faisoit bon  
veoir a regarder acompaignez de monsieur le duc de Lorrā  
ne / mōsieur le marquis de Lorraine son filz et plusieurs au  
tres ducz et gros princes et seigneurs tant de France q̃ des  
paigne richement montez et acoustrez. Et fut icelle sacree  
maïeste imperialle receu a la porte saint Anthoine par six



cardinaulx et s'y enesques en tout honneur et reuerence luy  
presenterent les clefz de paris pour du tout disposer comme  
a sa sacree maieste imperialle plairoit. Et apres quelques  
motz dignes de entendre par iceulx cardinaulx dictz et pro  
ferez a lad maieste imperialle luy fut presente vng ciel tout  
de fin drap dor tout seme de aigles noires: lequel ciel luy fut  
mis dessus sa maieste imperialle a porte par les maistres in  
rez de la ville de paris: et a l'entour dicelle maieste imperial  
le estoient quatre lasquetz vestuz de velours noir et tout a  
noir habillez. Et ainsi q la sacree maieste imperialle arriva  
a ladicte porte saint Anthoine a q elle fut illec vng peu de tēps  
sejourant et ladicte maieste imperialle ainsi la arreste au  
chasteau de la Bastille de paris lon comēca a tirer artiller  
rie/ bombardes/canons/couleuvrines/hacquebutes a crochet  
mortiers/serpētines a autres grosses pieces pour saluer lad  
imperialle maieste/ a au derriere supuoiet plusieurs princes  
et seigneurs avec vne grosse troupe de archiers de corps a  
hocquet d'ors auerie bien equippez chascun portant vne ia  
ueline en la main lesqz estoient en gros nombre et quantite  
Et apres q la sacree maieste imperialle eut vng peu sejour  
ne a ladicte porte saint Anthoine avec messieurs le Daul  
phin et duc Dorleā comēcerent a marcher en beau/trium  
phant a illustrissime ordre/ a tous les bandes des seignrs co  
mēcerent toutes a marcher en bel ordre contre les tourne  
les ou estoient lesditz portailz d'antiques faitz/ acoustrez et  
pinctz cōme deuant est dict avec tabours/ fiffres/trōpettes  
et clerons qui estoit vne chose bien digne de regarder a tous  
iours aps supuoit ladicte sacree maieste imperialle/ mesditz  
seigneurs le daulphin/duc dorleans/monseigneur le conne  
stable princes et seignrs p vne facon et mode tant illustre q  
ny auoit hōme ne femme de qlque estat ou condition q l fust



qui ne fust a demy rany a regarder tel triumphe et magnifi-  
cēce a l'entree sacree imperiale a ladicte sacree maieſte impe-  
riale ſuyuāt toutes les bādes deuāt dictes des ladicte porte  
ſaint Anthoine ſen vint tout dune tire ſans ſejourner en au-  
cun lieu inſq̄s a l'apport de haultet auq̄l lieu lon auoit fait  
vng eſchauffault bien gētil/et deſſus icelluy auoit vne por-  
te d'antique et friſes ſur laquelle il y auoit vng eſcripteas  
nomme la porte de paix/et derriere icelle porte auoit deux  
tours ſermees nomme la porte de guerre/a tout a l'entour de  
rochiers a fumee tenebreuſe depainctz: et deſſus icelluy eſ-  
chauffault auoit vng ſaint michel a vng mouton dor repu-  
tant la toiſon dor: et a la porte dudit portail de paix eſtoit  
vne dame nommee Alliance laquelle diſoit ces motz ſuyuās  
a la maieſte imperiale.

**E**n ſoit venu en ſes bergiers de france

L'imperiale maieſte ſacree

La peur des turcz: des chreſtiens la deſſence

Aigle volant par toute la contree.

**E**t deſſus le ſaint Michel il y auoit vng eſcripteau ou  
eſtoiet eſcriptz les motz ſuyuās. Custodiam te in omnibus  
diis tuis. Et deſſus ou eſtoit la toiſon dor il y auoit vng autre  
eſcripteau q̄ diſoit les motz ſuyuās. Ambulabo i pace qm̄ tu  
me cū es/a de la la ſacree maieſte Imperiale avec mōſeignr  
le daulphin a duc dorleās princes a ſeignrs a toutes les deuāt  
dictes bādes marcherēt touſiours en bōne ordre inſq̄s il fut  
pres du pōt noſtre dame auq̄l lieu lon auoit fait vng autre eſ-  
chauffault: a ſur led pōt noſtre dame lon auoit fait deux por-  
tes d'antique quaſi cōme les deuāt dictz: mais non pas ſi grās  
a pilliers d'antique friſes moreſq̄s: a au deſſ⁹ de chaſcū diceulx  
deux portails il y auoit deux meſnequis faitz d'antique tenāt  
vng grāt eſcuſſō armoye des royaumes appartenās a ſes

**L**



sacre Empereur/lesquelz escussions estoient couronnez d'une couronne Imperiale dor/et lesditz portails semez par dessus de Aigles et escussions remplis daigles couronnez/et estoit ledit pont nostre Dame des l'une des portes iusques a l'autre bout conuert et dessous iceulx conuertures estoient petitiz triumphes d'antiques enrichies et acoustrez mignonnement.

**M**ais deuant que ladicte sacree maieste Imperiale fust arriuee sur ledit pôt elle regarda quelques personages qui estoient dessus vng eschauffault estant assez pres dudit pont sur lequel estoient quatre personages/cest assavoir accord/discord/paix et Volunte diuine et au dessus et aupres deulx estoient trois bestes/cest assavoir vng quatuor/vng aspic et vng lion avec vng escripteau qui disoit les motz supuans Super aspidem et basilicum ambulabis et conculcabis leonem ⁊ draconem.

**E**t estoit ledit discord comme avec vng pesaisseau paint/ ⁊ l'autre personnage nome accord estoit habille de drap dor/ ⁊ entre accord ⁊ discord estoit vne dame nommee paix ⁊ habilleez triumpamment/et au dessus estoit ladicte Volunte diuine couronnee ⁊ habillee triumpamment.

**E**t au departir dudit eschauffault/ladicte sacree maieste imperiale avec toutes les deuandictes bandes passa sur ledit pôt nostre dame come deuant est dit triumpamment acoustrez et ainsi q ladicte maieste imperiale passoit sur icel luy pôt/ ⁊ par toute la rue chascun chief de maison auoit vne torche allumee flamboyant deuant son huis pour honorer la dicte sacree maieste imperiale/laquelle desla sen alla iusques a nostre Dame de Paris rendre louenge a dieu et a la vierge Marie/ ⁊ ne fault poit demander si des la porte saint Anthoine iusques a nostre Dame /il y auoit gens par les rues



car lesdictes rues estoient tappissees/et deuant lesdictes mai-  
sons aux portes/fenestres/ouurouers et par les rues y auoit  
tant de gens/tant deglise q̃ seculiers/de seigñrs/dames et d'a-  
moyselles/bourgeois/marchans gens de mestiers/femmes et  
enfans/escolliers et tant d'autre menu peuple/et en si gros nom-  
bre q̃l n'y auoit homme q̃ se peust retourner par lesdictes rues/  
lesquelz tous donoient louenge a dieu le createur de leur a-  
uoir donne la grace de veoir en ceste ville et cite de Paris la  
tresillustre sacree maieste imperiale en si grosse amour avec  
la fleur liliace beneyssant icelle maieste imperiale/et priant  
dieu quil la veuille preseruer et garder en pais et bone vnton  
auecques la couronne de France.

**E** Apres q̃ ladicte maieste imperiale eut faict son oblation  
a dieu et a nostre Dame elle se partit de la et fut conduicte p  
messeigneurs le Dauphin/duc Dorleans et tous les autres  
princes auecques bande populeuse iusq̃s au palais Royal aus-  
quel lieu le tresillustre roy de France acompaigne de plusieurs  
princes et barons estoit en attendant icelle maieste imperiale  
pour le receuillir plus triump̃hement et magnifiquement  
Et apres icelluy recueil faict ladicte maieste imperiale fut  
conduicte et menee en la grant salle dudit palais Royal/laquelle  
le estoit tappisee de tappiserie toute faicte de broderie dor  
de chypre et d'argent enleuez de personages tous batus dor  
et d'argent que estoit chose bien digne a regarder. Et le dessus  
dicelle salle estoit couuert et tendu tout de triump̃he d'antique  
et dessus la pierre de marbre auoit ung grant ciel tout dor po-  
puleusement tendu et derriere semblablement tout de drap dor  
que estoit chose admirable a veoir/et en ladicte salle auoit cer-  
tains lieux enleuez en maniere deschauffault tous tappis-  
sez et tenduz de drap dor et d'argent et estoient du long de ladi-  
cte salle les tables dressees et couuertes bien brauement. Et



en icelle salle royalle le Roy nostre sire/ la maieſte imperiale  
monſieur le daulphin & duc Dorleans/ le roy de Navarre/ la  
royne de Navarre/ mes dames/ mōſeigneur le duc de Lorrain  
ne/ mōſeigneur le marquis ſon filz/ mōſieur le legat/ meſſei  
gneurs les cardinaulx de Lorraine / Bourbon/ Chaſtilhon  
et pluſieurs autres cardinaulx/ mōſieur le cōneſtable/ mon  
ſieur le chācellier de France/ mōſieur de Vēdoſme / mōſieur  
de Nevers/ monſieur le conte de ſainct Pol/ monſieur Dau  
male/ monſieur de Lautret/ monſieur le prince de la Roche  
ſurion/ & tāt dautres princes/ barōs/ cheualiers et ſeigneurs  
de France y ſoupperēt quil dureroit trop a racompter a cau  
ſe du grant nombre et quantite quilz eſtoient. Et pareille  
ment y ſoupperent/ le duc Dalue/ le conte Daiguemont/ le  
conte de Hanneſon & le conte Roquendol/ mōſieur de ſainct  
Vincent embassadeur de Lempereur/ le ſeigneur de Rye/ le  
ſeigneur de la Taulx/ le ſeigneur Dartes/ le ſeigneur du  
Pellou/ don Hericque de Cholette et pluſieures autres ſei  
gneurs et barons Deſpaigne/ flandres et bas pays acōpai  
gnant ladicte maieſte imperiale. Semblablement y auoit  
tant de princeſſes et dames et en telle quantite quil dureroit  
trop a les rediger par eſcript/ & denez entendre que ſedit iour  
de Lan en bonne eſtreine liſſuſtre Roy de France faiſoit lyeſ  
ſe a tous en demonſtrant ſon illuſtriſſime bonte/ largeſſe et  
liberalite tenant ſon feſtin ouuert et court a tous venans.  
Des metz/ viandes & triumphans ſeruites de quoy liſſuſtre  
roy de France/ maieſte imperiale & tous ducz/ princes/ ſei  
gneurs & dames furent ſeruis audit ſoupper ne ſera pas icy  
declare/ car tous les plus ſubtilz de bien eſcripre ſauldroient  
bien a les ſpecifier/ declarer ne reciter tāt y en eut & de diuer  
ſes ſortes triumphamment et ſupellatiuement acouſtrez et  
ſeruis/ & debuez ſcavoir que a chaſcun metz que lon ſeruoit



denât lillustre roy de france & maïeste imperialle trôpettes  
& clairôs sonnoient & bôdissioient de telle sorte q̄ toute la d̄ salle  
du palays rebondissoit. Et apres icelles trôpettes finees les  
haulboys/cornetz/biolles/phiffres & autres instrumens cômē  
cerēt a iouer les vngs aps les autres q̄l sēbloit mieulx estre  
en paerdis q̄ sur terre/le soupper ainsi triūphāment parache  
ue vindrēt mōmeries de diuerses sortes tant pōpeuses/bra  
ues & mignonnes q̄ cestroit chose merueilleuse a regarder.

**E**t aps icelles mōmeries faictes y eust farces / tragedyes  
& motz dorez triūphans. Apres ducz/ cōtes/princes/ seign̄rs  
dames de pris/ commencerent a baller & dāncer la ou lesditz  
princes & seigneurs se parforcerent de demonst̄rer agilitē de  
corps faisant saulx/ gambades/ pas de mesure qui sembloit  
droictement que les muses les gūydassent.

**L**es dāces faictes & autres passetēps les officiers de lillu  
stre roy de france conduyrēt l'imperialle maïeste en vne salle  
triūphāte toute tendue de tappiz de broderie dor/et de la fut  
mene en vne autre salle triūphante toute tapissēe & tēdue de  
drap dor et de broderie tant dessus q̄ dessous par la ou lon  
marchoit. La estoient lictz dressez/ tenduz & encourtinez de  
draps dor & broderie si riche q̄ lon ne la scauroit bonnement  
estimer. Et en icelle chambre la maïeste imperialle coucha  
icelle nuyct a son vuloir & souhait. Sēblablement audit pa  
lays lillustre roy de frāce/ la royne et plusieurs autres ducz  
princes/contes/ barons et seigneurs et dames y coucherent.

**L**e lendemain lillustre Roy de france departit de son  
palays de Paris et sen alla en son chasteau triūphant du  
Louure lequel estoit si richement tendu de broderie / tap  
pis de doreure faitz de candelabres d'antiques tous dor  
et d'argent a personnages pourtraictz au Vis Bestus de fin  
or de chippre : argent si bien mis pourtraict et borde que



cestoit vne chose singuliere a regarder tel triumphe: car lesdictes tappisseries susdictes estoient bordees de candelabres d'antiques de fil dor de chippre avec petitz enfans dor et d'argent pourtraictz montez sus cornetz et bestions d'antique tout de fin or mis en broderie sur argent et soye si riche quil est impossible a homme rediger la baulteur diceulx tappis. Ven la quantite quil y en auoit par salles/ chabres et autres lieux. Et semblablement toutes les portes et fenestres dudit Louure estoient toutes faictes de pilliers frises/ moresques/ mollare et soubassement d'antique dorez triumpphantement painctz et aoustrez.

Et la dedans les grans buffez dressez et tous tappis de draps dor et broderie chargez de coupes dor/d'argent/flacons dorez/tasses/bassins a lauer mains/gobelets et tant d'autres vaisselle dor et d'argent quil est impossible de declarer le nombre.

Et apres que la maeste imperiale le vendredy lendemain du iour de Lan eut ouy messe magnifiquement dicte denat luy/et sa refection prinse elle se departit du palais royal de Paris avecques ducz/princes/barons et seigneurs/suysses archiers lesquelz le conduyrent et menerent iusques audit lieu du Louure auquel lieu l'illastre roy de France l'attendoit pour le recepuoir/recueillir et festoyer.

Et si ie vouloye icy repeter les princes/barons/seigneurs et deux cens gentilz hommes de la maison du roy qui le conduyssoient avecques cardinaulx/ueuesques/archeuesques/abbez/prothonotaires/suysses/archiers/courtisans et autres gens quilz l'accompaignoient cela seroit trop long a repeter/parquoy ie passe cecy legierement a cause de briefuete.

Item en tel ordre et magnificence l'imperiale maeste fut menee et condaicte iusques audit Louure/ auquel lieu de par



illustre roy de France ses princes/seigneurs et barons icelz  
le maïeste fut receue si magnifiquement/triumpamment  
et dune amour si grande et parfaicte quil ny a homme qui  
le sceust dire ne le rediger bonnement par escript / car il ny  
auoit celluy en la compaignie du tresillustre roy de France  
que le cuer ne luy tressaillist de ioye a veoir & regarder Vne  
si grosse amptie/concorde/Vnion & fraternite si bien Vne cō-  
iointe & accordee ensemble. Dedans lequel chastel du Lou-  
ure ladicte maïeste imperialle demoura & seiourna iusques  
au mercredy lendemain des roys la ou le illustre roy de fran-  
ce le festoya & ordonna estre traicte si haultement pompeuse-  
ment & magnifiquement quil nest ia besoing de plus a plain  
en descrire/car langue ne le pourroit bonement resumer ne  
main au Bray rediger par escript. Et aussi estant ladicte ma-  
ïeste imperialle audit Louure de paris lesdictz ducz contes/  
princes/barons/cheualiers et seigneurs de France pour fai-  
re honneur a la maïeste imperialle et par le cōmandement  
du tresillustre roy de France/commencerent a faire ioustes  
et tournoys si braues et triumpans que ilz demonstrent  
bien a les veoir en armes que autrefois ilz auoient este en  
la compaignie du dieu Mars.

**E**t qui voudroit specifier iour pour iour ce que lesdictz  
ducz/princes/contes/barons/cheualiers / seigneurs firent ce  
seroit chose trop proluxe/mais vous puez croire & entendre  
que maintes lances y furent rompues et brisees/maintes es-  
pees par pieces mis et decoupez / maintz cheuals blessez  
et frappez / car ausdictes ioustes vous enssiez veu les ducz:  
princes:contes:barons:& cheualiers:desquelz les noms sont  
cy apres mis par escript qui estoient choses fort singulieres  
a veoir et regarder:& estoient tous par bande si illustre et ma-  
gnifique que cest chose bien digne de rememorer: au moins



en brief pour cause de prolixité/car qui voudroit le tout sp  
cifier et declarer lon seroit trop long/mais pour donner a en  
tendre quelz gens il y auoit tant aux ioustes de lances que  
combats faitz a lespee nous en declarerons icy vne partie  
briefuement.

**E**n premier lieu y estoient treshault et illustre prince mon  
sieur le Dauphin avecques sa bande qui sera nommee cy  
apres/ Monsieur francours de Lorraine marquis du pont/  
francours duc de Neuernoy/monsieur Anthoine de lupem  
bourg conte de Brienne avecques leurs bandes bien equip  
pez/Anthoine duc de Vendosme / francours de Lorraine sei  
gneur daumalle/Henry de fouez seigneur de lautret/Cla  
ude de Vendosme seigneur de Ligny / Charles de royel conte  
de Rouffy/Suy conte de laual/Rene de rohan/Charles de  
bourbon prince de la roche suryon/francours de brobo/saint  
Andre/Bandorn le conte de rouffy/Mathien sienart conte  
de leuep/Christofle de Biretembert conte de Montpellier/  
francours Dorleans marquis de rothelin/Loy de Rohan/  
Gillebert de la rochefoucault/Humbert conte de brichin de  
Bigny seigneur desnay des bordes bordillon / Messire Joa  
chin/Girard seigneur de cheuenon / Gillebert dauzille de  
gion/Claude babou seigneur de Philippe de boy  
serand seigneur de luneau / Jehan de la seigneur de  
chastel vilain/Claude morez seigneur d merche / Gaspart  
de saint aulbin seigneur de polep/Charles du croq seign  
de la maison neufue/Jacques de seigneur de hou  
dan/Claude de la fayette baron de rouuray/Geoffroy raf  
fin dit poton grât escuyer de l'escuyer du roy nostre sire/Da  
leran seigneur baron de chassenay/Loy de montmorency  
seigneur du mont de la vigne / Loy daumalle viconde du  
mont nostre dame des bordes / Galleas de samis baron de



coureux / Philippe conte de Lymaige / Jehan de fontenay  
seigneur de Tenteuille / Denucheres seigneur de bandis  
ment / Loys de launoy seigneur de moreillier / Loys de har  
decourt baillif de Caulx : Robert de la marche seigneur de  
sedam / Loys de silluy seigneur de la Rocheguyon / Jehan du  
Bueil seigneur de fontaine de dâpierre / Francois de geneils  
bat dit gailpère / Charles cosse sanssac / Jehan babou / Gas  
part coligny seigneur de chastillon / Bonaventure de mars  
reul / Francois de liuroy / Pierre baron de chastena / Anthoi  
ne de moy baron dudit lieu / Jehan de la boussiere grant lou  
rier de France / Francois le roy / Loys daly seigneur de barē  
nes de rostain beluant / Philippe de frenelz a plusieurs au  
tres ducz / princes / contes / cheualiers / barons et seigneurs  
estoit ausditz tournoyz qui durerēt cinq iours entiers tāt  
a la lance comme a lespee / a la cussiez deu les dessusditz prin  
ces et autres nō nōmez pour cause de plixite en bāde equip  
pee tant soubz monsieur le daulphin / monsieur le duc de Vē  
dosme / monsieur le marquis de Lorraine / monsieur de Me  
uers / monsieur le conte de Brienne / monsieur Daumalle q  
autres princes et contes qui menotent les bandes / et la eus  
siez deu rompre lances / harnois brisez / cheualx bondir en  
lair et faire maintes prouesses et tours de hardtesse / et le mar  
dy suyuant iour des Roys fut fait vng combat a lespee si  
magnifique et braue quil ny a homme qui ne fust esbahy de  
les regarder. Et la monsieur le daulphin auecques sa bande  
y fait merueille et grande proesse tant de ruer corps despect  
decoupper harnoys faire bondir courciers / semblablement  
fait monsieur le duc de Vendosme / monsieur Daumalle et  
sa bande pareillement / et aussi firent monsieur le marquis  
de Lorraine / monsieur de Meuers / monsieur le conte de Briē  
ne et toutes leurs bādes. Et quiouldroit declarer les proes

D



ses/branctez coups despees/saces rompues esditz tournoys  
et autres pompes que lon y fait il faudroit plus de quatre  
mains de papier a les rediger pscript / parquoy ie le passe  
icy en brief. Et au derriere desdictes lisses qui estoient au lou  
ure y auoit Vne porte triumphamment faicte dantique a pil  
liers et soudbasse et a frise/a au dessus de ladicte porte estoit  
Vng aigle triūphante mise et courōnee/es deux costez estoient  
les armes des royaumes q illustre empereur tient couron  
nez d'armes Imperiales / et au dessous plus bas estoit au  
meillieu de la porte les armes de monsieur le Dauphin duc  
de Vendosme/marquis de Lorraine & de tous les autres ducz  
princes/contes/barons / cheualiers et seigneurs dessusdictz  
nommez & d'autres non mis icy a cause de prolixite/lesquels  
les iouxtes/combatz/et magnificences limperialle maieſte  
illustre roy de frāce ducz/princesses dames et seigneurs prin  
ciers ont gros plaisir a veoir.


¶ Apres lesquelz tournoys festins et triumphes finis pour  
l'heure audit Louure / le mercredy suuant lendemain des  
roys limperialle maieſte se departit de Paris acompaigne  
des ducz/princes/contes/seigneurs/barons gentils hommes/  
suysses/archiers et gros nombre et quantite et depuis ledit  
Paris sen alla disner en Vng chasteau triūphant environ  
Vne lieue distant de Paris auquel lieu par le roy nostre sire  
fut receu et festoye triumphamment. Et de la sen alla con  
cher a saint Denys en frāce auquel lieu il fut receu illustre  
ment. Et apres le bon festin & recueil que lon luy fait par deu  
otion/il voulut veoir les saintes reliques lesquelles il ve  
nera & honnora en grosse reuerence.

¶ Ainsi fine l'entree illustre & sortie de la maieſte imperiale  
en la noble et triūphante Ville et cite de Paris.


¶ Finis.













cm 1 2 3 4 5 6 7 8 9 10 11 12 13 14

cm

1

2

3

4

5

6

7

8

9

10

11

12

13

14

15

16

17

18

19



